



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Ab Alexandro VII. Ad Clementem X.

**Luxemburgi, MDCCXLII.**

XXXII. Decretum, in quo Conventus Liciensis, Grumi, Ripaldæ, & Caldarolæ  
Ordini Fratrum Minorum Conventualium Sancti Francisci, cum omnibus  
bonis, juribus, & pertinentiis adjuvantur.

---

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

Abfolutione ab excommunicatione sibi relervat.

pro tempore existentem (præterquam in mortis articulo constitutus, nec etiam tunc nisi de stando Ecclesie mandatis, & satisfaciendo cautione præstita, atque cum reincidentia eo ipso quo convaluerit) etiam vigore seu prætextu Jubilæi Anni Sancti, Cruciatæ Sanctæ, aliorumque Jubilæorum, Indulgentiarum, Indultorum, facultatum, & privilegiorum, etiam speciali expressione dignorum, quibuscumque Ecclesiasticis secularibus, & quorumvis Ordinum, etiam Mendicantium, ac Militiarum regularibus, etiam Episcopali, vel alia majore dignitate præditis, ipsisque Ordinibus, & eorum Monasteriis, Conventibus, & Domibus, ac Capitulis, Collegiis, Confraternitatibus, Congregationibus, Hospitalibus, etiam Sancti Joannis Hierosolymitani, & Locis piis, necnon laicis, etiam Regali, Ducali, & alia mundana præcellentia fulgentibus, per Nos & Sedem Apostolicam, ac cujusvis Concilii decreta verbo, litteris, aut alia quacumque scriptura in genere, vel in specie concessorum, & etiam pluries innovatorum, ac concedendorum, & innovandorum, absolvi possit.

Publicationem fieri jubet.

§. 3. Et quia eo major erit ipsorum confusio quo sua fuerit culpa patentior, quousque dignam satisfactionem præstiterint, & absolutionis beneficium, ut supra se obtinuisse docuerint, omnibus, & singulis Patriarchis, Primatibus, Archiepiscopis, Episcopis, & Locorum Ordinariis ubilibet constitutis per easdem præsentis committimus, & in virtute sanctæ Obedientiæ districtè præcipiendo mandamus, ut per se vel per alium, seu alios per omnes Civitatum, & Diocesium suarum Ecclesias quibuslibet diebus Dominicis, & festivis, dum in eis major populi multitudo ad divina convenerit, pulsatis campanis, & candelis accensis, prædictos sic excommunicatos, & anathematizatos solemniter publicent, seu publicari curent & faciant.

Cenam excommunicationis absolvi præsumptibus indicit.

§. 4. Quod si fortè aliqui contra tenorem præsentium talibus excommunicatione, & anathemate illaqueatis, vel eorum alicui absolutionis beneficium impendere de facto præsumperint, eos excommunicationis sententia innodamus, gravius contra eos spiritualiter & temporaliter, prout expedire noverimus, processuri.

Clausula præservativa & decretum irritans.

§. 5. Decernentes præsentis litteras, etiam ex eo quod prædicti, & quicumque alii in præmissis interesse habentes, seu habere quomodolibet prætentent illis non consenserint, nec ad ea vocati, citati & auditi fuerint, de subreptionis, & obreptionis, aut nullitatis vitio seu intentionis nostræ, aut alio quopiam quantumvis substantiali defectu, vel ex quacumque alia causa, occasione, colore, prætextu, & capite, etiam in corpore Juris clauso, notari, impugnari, invalidari, redargui, seu rescindi, aut ad terminos Juris reduci, aut adversus illas aperiitionis oris, restitutionis in integrum, vel aliud quodcumque juris, facti, vel gratiæ remedium impetrari, aut etiam motu proprio concessio quempiam in iudicio vel extra illud uti seu se juvare nullo unquam tempore posse; Sicque & non aliter in præmissis per quoscumque Judices ordinarios, & delegatos, etiam Causarum Palatii Apostolici Auditores, ac S. R. E. Cardinales, etiam de Latere Legatos, sublata eis & eorum cuilibet quavis aliter iudicandi, & interpretandi facultate, & auctoritate iudicari & definiri debere, ac irritum & inane, si quid secus super his à quoquam quavis auctoritate scienter, vel ignoranter contigerit attentari.

Contraria solli.

§. 6. Non obstant, quibusvis Apostolicis, ac in universalibus, provincialibusque & synodalibus Conciliis editis generalibus, vel specialibus Constitutionibus & Ordinationibus necnon quibuscumque etiam juramento, confirmatione Apost. vel quavis firmitate alia roboratis statutis, & consuetudinibus, ac præscriptionibus quantumcumque

longissimis, & immemorabilibus; privilegiis quoque, indulgiis, & litteris Apostolicis generalibus, vel specialibus supradictis, vel eorum alicui, seu quibusvis aliis cujuscumque Ordinis, status, gradus, conditionis, dignitatis, & præminentie fuerint, etiam si ut præmittitur Pontificali, Regali, Ducali, seu quavis alia Ecclesiastica, & mundana præfulgeant dignitate, à Sede prædicta ex quacumque causa etiam per viam contractus, & remunerationis, etiam intuitu & contemplatione Regum, Ducum, Rerumpublicarum, & aliorum quorumcumque, ac sub quibuscumque verborum tenoribus & formis, ac cum quibusvis, etiam derogatoriis derogatoriis, aliisque efficacioribus, efficacissimis, & insolitis clausulis, irritantibusque, & aliis decretis in genere, vel in specie, etiam motu proprio, ac etiam consistorialiter, & alias in contrarium quomodolibet concessis, approbatis, & innovatis, etiam continentibus, quod excommunicari, & anathematizari non possint per litteras Apostolicas non facientes plenam & expressam, ac de verbo ad verbum de privilegiis, Indulgentiis, & Indulgiis hujusmodi, ac de Ordinibus, Locis, nominibus propriis, cognominibus, & dignitatibus eorum mentionem. Quibus omnibus, & singulis etiam si pro sufficienti illorum derogatione de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes, mentio, seu quavis alia expressio habenda, aut aliqua alia exquisita forma ad hoc servanda foret, tenores hujusmodi, ac si de verbo ad verbum infererentur, præsentibus pro plenè, & sufficienter expressis, & insertis habentes, illis alias in suo robore permanentibus, ad præmissorum effectum hac vice dumtaxat specialiter & expresse derogamus, ac derogatum esse decernimus, & volumus, ceterisque contrariis quibuscumque.

Datum Romæ apud Sanctam Sabinam sub annulo Piscatoris, die 23. Februarii 1669. Pontificatus Nostri Anno secundo.

Dat. P. An. 1. die 23. Febr.

Decretum, in quo Conventus Licienfis, Grumi, Ripaldæ, & Caldarolæ Ordini Fratrum Minorum Conventualium Sancti Francisci, cum omnibus bonis, juribus, & pertinentiis adjudicantur.

XXXII.

CLEMENS PAPA IX.

Edita An. 1669.

Ad futuram rei memoriam.

EX injuncto Nobis calitus Apostolicæ servitutis officio Religiosorum virorum statui, quantum cum Domino possumus salubriter providere cupientes, ac dilectum filium Antonium Latinum ab America Commissarium, ac Vicarium Generalem Ordinis Fratrum Minorum Sancti Francisci Conventualium nuncupatorum specialibus favoribus, & gratiis prosequi volentes, & à quibusvis excommunicationis, suspensionis, & interdicti, aliisque Ecclesiasticis sententiis, censuris, & penis à jure, vel ab homine quavis occasione, vel causa latis, si quibus quomodolibet innodatus existit ad effectum præsentium tantum consequendum, harum serie absolventes, & absolutum fore censentes.

Exordium.

§. 1. Supplicationibus ejus nomine Nobis super hoc humiliter porrectis inclinati, de consilio Venerabilium Fratrum Nostrorum Sanctæ Romanæ Ecclesie Cardinalium Congregationis super statu Regularium deputatæ, qui litteras felic. record. Urbani Papæ VIII. Prædecessoris Nostri, die 6. Februarii 1626. super extinctione, ac suppressione Congregationis Fratrum Conventualium Reformatorum ejusdem Sancti Francisci emanatas, necnon unas die 16. Septembris 1667.

Suppressio Congr. Fratrum Conventualium Reformatorum ab Urbano VIII.

super

super transitu Fratrum Minorum Conventualium dicti Ordinis ac predictos Fratres Reformatos Conventuum, qui in eis post suppressionem remanserant.

§. 2. Et alteras nostras in simili forma Brevis novissime expeditas, quibus confirmando Decretum à Congregatione predictorum Cardinalium editum die 15. Novembris 1668. tribuitur facultas antedictis Fratribus Reformatis degentibus in Conventibus Licenti, & Oppidorum Grumi, Ripaldæ, & Caldarolæ, qui soli nunc superesse noscuntur, transeundi ad dictos Fratres Minores Conventuales sancti Francisci, aut ad quamcumque aliam Religionem parem, vel strictiorem à Sede Apostolica approbatam, in qua benevolos invenerint receptores.

§. 3. Eisque inhibetur ne de cætero quemquam ex Conventualibus antedictis, vel ex alia Religione, aut ex sæculo ad habitum, vel professionem admittant sub pœnis nullitatis actus, & excommunicationis latæ sententiæ, vel obstantibus anterioribus Nostris literis predictis aliaque videnda, & consideranda viderunt, & confiderarunt.

§. 4. Auctoritate Apostolica tenore præsentium decernimus, & declaramus memoratos Conventus Licien. Grumi, Ripaldæ, & Caldarolæ, cum omnibus eorum bonis, juribus, & pertinentiis, sacraque, & profana suppellectili ad prædictum Ordinem Fratrum Minorum Conventualium sancti Francisci spectare, & pertinere, ejusque Ordinis Superiores per Ordinarios locorum in possessionem Conventuum, ac bonorum hujusmodi esse immittendos.

§. 5. Fratribus autem Reformatis legitime in eodem Ordine professis, degentibus in dictis quatuor Conventibus per eosdem Ordinarios auctoritate Nostra injungi volumus, ut intra terminum duorum mensium transeant ad dictum Ordinem Fratrum Minorum Conventualium, vel ad aliam Religionem parem, vel strictiorem à Sede Apostolica approbatam, in qua, ut supra invenerint benevolos receptores.

§. 6. Quod si neutrum præstiterint elapso termino per Ordinarios antedictos juris remediis compellantur à memoratis Conventibus discedere, & dimisso Habitu Reformatorum ad Religionem dictorum Fratrum Conventualium transire, ejusque habitum assumere, ut in eo quoad vixerint permaneant, nec inde abcedant sub pœna Apostasiæ.

§. 7. Decernentes easdem præsentibus literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore spectabit, plenissime suffragari, & ab eis respective inviolabiliter observari. Sicque in præmissis per quoscumque Judices Ordinarios, & delegatos etiam causarum Palatii Apostolici Auditores judicari, & defini debere, ac irritum & inane quicquid fecus super his à quoquam quavis auctoritate, scienter, vel ignoranter contigerit attentari.

§. 8. Non obstantibus præmissis, ac Constitutionibus, & Ordinationibus Apostolicis, necnon omnibus, & singulis illis, quæ in literis predictis, concessimus non obstare, cæterisque contrariis quibuscumque.

Datum Romæ apud Sanctum Petrum sub Anulo Piscatoris die 9. Martii 1669. Pontificatus nostri Anno secundo.

Breve pro transitu ad ordinem alium.

Terminum duorum mensium ad aliam Religionem transeundi præscribit.

Pœna contraventionis.

Decretum irritans.

Contrariis derogat.

Dat. P. A. 2. die 9. Martii.

XXXIII.

Super præcedentia Procuratoris Generalis in concursu aliorum Prælatorum Ordinis Canonico-regularium S. Salvatoris.

CLEMENS PAPA IX.

Ad futuram rei memoriam.

EXponi Nobis nuper fecit dilectus filius Angelus Servalli Procurator generalis Congregationis Canonico-regularium Sancti Salvatoris, quod dudum, videlicet anno 1628. tunc in humanis agens Andreas Petraccoli Prior Generalis dictæ Congregationis à fel. record. Urbano Papa VIII. Prædecessore nostro deputatus Congregationem Generalem eorundem Canonico-regularium in Monasterio Sancti Petri ad Vincula ejusdem Congregationis celebravit, in qua Visitatores, aliique Officiales Congregationis hujusmodi electi, & à dilecto filio Magistro Prospero Fagnano in utraque Signatura nostra Referendario, qui eidem Congregationi Generali jussu dicti Urbani prædecessoris præsidebat, confirmati fuerunt, ac inter alia factum fuit in dicta Congregatione Generali Decretum tenoris sequentis, videlicet.

§. 1. Procurator Ordinis, qui pro universa laborat Congregatione, eundem titulum Procuratoris Generalis obtinet, in Monasteriis Urbis, & extrâ, locum semper tenet immediate post Priorem.

§. 2. Cum autem sicut eadem expositio subjungebat, vertente inter dictum Angelum Procuratorem Generalem ex una, & dilectum pariter filium modernum Abbatem dicti Monasterii Sancti Petri ad Vincula ex altera partibus lite, seu controversia, de & super præcedentia inter ipsos habenda præsertim in Monasterio Sancti Laurentii extra muros ejusdem Congregationis, quam præfatus quidem Angelus Procurator Generalis vigore Decreti præinserti, dictus verò Abbas in vim Constitutionum ipsius Congregationis auctoritate Apostolica, & usu ipso (ut asseritur) comprobatarum sibi competere respectivè prætendebant.

§. 3. Decretum fuerit à Dieta Candianensi dictæ Congregationis quod prædictus Abbas Monasterii Sancti Petri ad Vincula manutenendus esset in sua quasi possessione præcedendi dicto Procuratori Generali in dicto Monasterio Sancti Laurentii extra muros, & ubique in pertinentiis Urbis præfatæ; reservato tamen eidem Procuratori Generali jure probandi supradictum Decretum Capitulare fuisse, & esse munitum confirmatione Apostolica, itaut ejus sit roboris, & momenti, ut vim habeat derogandi prædictis Constitutionibus præfata auctoritate, & usu comprobatis, & alias prout in ipso Decreto die 26. Aprilis proximè præteriti in dicta Dieta edito uberius dicitur contineri; Cumque Decreti hujusmodi fundamenta minimè subsistant, ac proindè primum dictum Decretum servari debeat; Nobis propterea præfatus Angelus Procurator Generalis, humiliter supplicari fecit, ut sibi in præmissis providere, & ut infra indulgere de benignitate Apostolica dignaremur.

§. 4. Nos igitur ipsum Angelum Procuratorem Generalem specialibus favoribus, & gratis prosequi volentes, & à quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis à jure, vel ab homine quavis occasione, vel causa latis, si quibus quomodolibet innodatus existit ad effectum præsentium dumtaxat consequen. harum serie absolventes, & abolutum fore censentes, hujusmodi supplicationibus inclinati, de nonnullorum Romanæ Curie Prælatorum super hoc negotio à Nobis specialiter deputatorum, qui partes audierunt, consilio, præinsertum Decretum Capitulare anni 1628. auctoritate Apostolica tenore præsentium confirmamus, & approbamus, illique inviolabilis Apostolicæ firmitatis robor ad-jicimus, ac omnes, & singulos juris, & facti de-

Edita An. D. 1669.

Causa Brevis.

Procuratori Generali locus primus post Priorem assignatur.

Decretum capitulare confirmatur.